

K29

15

:290(2)

中國方志叢書・華北地方・第一九〇號

據

宋・宋敏求撰清・畢沅校正
民國二十年鉛印本

影印

陝西 省

長安志

(二)

成文出版社有限公司印行

中華民國五十九年 月壹一版

長安志

全二冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

長安志卷第十四

縣四

興平 武功

興平

興平縣

唐畿今次畿東至府九十里

本周犬邱之地帝王世紀曰周懿

王二年王室大衰自鎬徙都犬邱今槐里也史記秦之先

大駱生非子居犬邱秦名廢邱

沅案漢書注韋昭云秦欲廢之更名廢邱也

項

羽封章邯為雍王都廢邱漢高帝二年改曰槐里縣

沅案史記正義

本紀作二年地理志作三年

莽曰槐治今縣北故城是

沅案史記正義引括地志云犬

邱故城一名槐里亦名廢邱在雍州始平縣東南十里

屬右扶風武帝析置茂陵縣

沅案漢書武帝紀云
建元二年置茂陵邑
王莽曰宣城
沅案師古曰黃圖
昭帝

又析置平陵縣屬右扶風王莽曰廣利今縣東二十里咸

陽縣界平陵古城是魏黃初元年改平陵為始平縣

沅案太平

寰宇記云改為始平國國字當為縣此是也宋書州郡志云始平令魏立因原以名之晉太始

二年

沅案宋書州郡志亦作二年晉地理志作三年非

置始平郡

沅案元和郡縣志云晉武改置

始平國領槐里始平武功鄠蒯城五縣苻堅徙始平於茂陵

故城後魏太武太平眞君七年省始平郡縣入扶風郡焉

孝莊帝永安元年又徙縣於今縣東北一十五里

十道志曰永安

元年移扶風郡於文學城領槐里始平盩厔三縣屬雍州恭帝元年又徙今縣東北二

十五里後周宣帝大象二年復徙今縣東南十五里文學

城

沅案舊本脫里字

隋開皇三年隸京兆郡

沅案隋地理志云始平故置扶風郡開皇

三年郡廢

大業九年徙於今治唐天授二年隸稷州大足元年

還雍州景龍四年

沅案新唐書作二年誤

金城公主降吐番贊普中

宗送至縣因改為金城徙於馬嵬故城至德初置興平軍

二載改為興平縣

沅案舊唐書云二年十月改又案太平寰宇記云尋又復為金城今改為興平

此缺載

縣境

東西五十里南北六十里

○六鄉管二百二十邨

唐二十鄉有扶風鄉湯祠鄉餘

不傳沅案說文茂陵有兀桑里

○被化鄉在郭下管邨四十○耿祠鄉在

縣西三里管邨四十○零保鄉在縣東三里管邨四十○

文渭鄉在縣南五里管邨三十六○保安鄉在縣東北五

里管邨三十六○崇節鄉在縣北三里管邨二十八○縣城周七里餘二百步崇二丈隋大業九年築六門○槐里驛在郭下東至咸陽驛四十五里西至武功驛六十五里○馬嵬驛在縣西二十里今廢石橋在縣西二十里馬嵬店○龍宮渡在縣西南三十五里

渭水上

○始平原在縣北

二十里東西五十里南北八里東入咸陽界西入武功界三秦記曰長安城北有始平原數百里其人并汲巢居井深五十丈漢時亦謂之北芒巖西京雜記曰茂陵富人袁廣漢藏鏹巨萬家僮九百人於北芒巖築園東西四里南北三里激流注其內構石爲山高十餘丈連延數里養白

鸚鵡紫鴛鴦旄牛青兕廣漢後有罪誅沒入官爲園鳥獸

草木皆徙植上林苑又曰何武葬於北芒龍薄坂○王嘉

冢在縣東北一里○渭水南去縣二十九里

沅按元和郡縣志云南北

廣四里東西二十一里

自武功縣界來澇水注之入咸陽縣界○玉

女泉在縣東南○史家泉在縣北楊妃故冢西○板橋泉

在縣西北一十七里深百尺流入白渠後魏地形志曰槐

里縣有板橋泉○龍泉亦名溫泉又名姜子泉在縣西一

十七里周數十步深不可測○涇龍泉新泉相去十餘步

在縣西一十七里周數十步流入白渠○馬嵬泉在縣西

二十里周數十步深百尺流入白渠○靈寶泉在縣東南

二十里周數十步深不可測舊圖經曰漢帝時邊韶得靈

寶符于此泉後祈晴有應因名之○醴泉在縣東南二十

里周數十步深不可測舊圖經曰醴泉在扶風鄉唐貞觀

十二年自然湧出其味如醴飲之疾愈○成國渠在縣北

一里西自武功縣界流入縣界凡六十里溉田二百四頃

東流入咸陽縣界即古白渠也水經注曰成國故渠故

沅案

水經注故
字作渠

魏尚書左僕射衛臻征蜀所開也上承泝水於

陳倉東東過郿及武功槐里縣

案唐李石記咸通十三年
夏四月戊子京兆府奏修

六門堰畢其渠合韋川莫谷香谷武安四水溉武功興平
咸陽高陵等縣田二萬餘頃俗號渭白渠言其利與涇白
相上下又曰成國渠見漢書地理志元魏時僕射衛臻征
蜀復開以溉田大統十三年魏始築堰置六斗門以節水

貞觀中役九州夫匠沈鐵牛鐵劍以禦魍魎始就其功永
徽四年左僕射于志寧治之尋涸聖歷中勅稷州勅史張
知審修焉始引武安水久視元年副西京留守雍州長史
薛季昶得許公稚者縛土牛以殺水勢春官郎中薛稷刻
石叙之咸通十一年七月咸陽縣民簿遼等上言六門淤
塞緣渠之地二十年不得水耕耨而其官歲以水籍爲稅
請假錢二萬八千九百八十貫以爲修堰工作之費候水
通流追利戶錢以還京兆府爲之奏乃詔借內藏錢以充
命中使董其事又令本縣官專之漑記役凡用萬七千緡
云今涸沅案元魏時僕射衛臻征蜀復開元字當衍或誤
也

○昇原渠在縣南一十五里西自武功縣流入縣界凡

六十里溉田七十餘頃東流入咸陽其原出汧水自鳳翔
號縣城西北原流至武亭合流數里西南至六門堰東成
國渠合流西南出縣界以其昇原而流故名之唐垂拱初
運岐隴水今涸○普濟渠在縣南十里自武功縣流入縣

界凡六十里溉田七十餘頃東流入咸陽今涸○清渠在

縣南二里東流入咸陽縣界○馬牧驛在縣東南二十里

南北廣四里東西二十一里○百頃泊

沅案元和郡縣志太平寰宇記泊皆

作澤在縣西二十五里周一十六里

沅案元和郡縣志作周回六十里誤

○宋

泊在縣西二十一里周十四里○曲泊在縣西南十五里

百頃泊而下並有蒲漁之利邑人利焉隋開皇十五年各築隄防護

○浪井在耿祠鄉唐貞

元五年自然湧出有疾者飲之皆得愈遠近汲取朝夕如

市○章邯臺在縣東南十里○星晉穆帝太和中隕于

槐里○槐里故城卽犬邱城在縣東南十里周十二里崇

二丈五尺晉太康中始平郡治也其城遶帶防陸舊渠尙

存卽漢書所謂槐里環隄者也晉灼曰統環槐里隄者是

也○小槐里李奇曰卽槐里之西城也東已有槐里城故

以此城爲小槐里魏志太祖以陽阜爲武都太守以武都

孤遠欲移之人多戀土然阜威信素著前徙人在京兆扶

風天水界者萬餘戶於是徙郡於小槐里百姓襁負隨之

沅案太平寰宇記在武功

○茂陵故城在縣東北一十九里

沅案元和郡縣志云

在縣東北十七里

周三里三輔舊事曰武帝於槐里茂鄉徙戶六

萬一千置茂陵縣屬右扶風舊圖經曰徙陵城盖苻堅時

也魏恭帝末年徙於今城

十道志曰舊志茂陵宣帝置按武帝時已徙戶居之至宣帝時

爲縣

○文學城在縣東崇二丈五尺十道志曰今謂之故縣

城○武學城在縣東一十里

沅案元和郡縣志云在縣東南十里

崇二丈五

尺與文學城相接二城並秦章邯築○樊噲城在縣南十

里崇二丈西京記曰漢王襲雍章邯敗走廢邱城命將軍

樊噲圍之於城西築臺以望之

今縣西南有武延臺疑是焉

○馬嵬故

城在縣西北二十三里孫景安征途記曰馬嵬人名於此

築城以避難未詳何代人姚萇時扶風王駢以數千人保

馬嵬故城○漢黃山宮在縣西南三十里○隋僊林宮在

縣西十八里文帝置○登真觀在縣西南一里半唐垂拱

元年置○天興觀在縣東北一里景龍元年置○要冊廟

在縣北一里○露膊將軍廟在縣西北五里○商湯祠在

縣西北二十里湯祠鄉

沅案史記秦本紀云寧公遣兵伐蕩社正義曰括地志云雍州三原縣有湯陵又有湯臺在

始平縣西北八里案其國蓋在三原始平界索隱曰皇甫

謚云周桓王時自有毫王號湯非殷也則此蓋毫王祠耳

云商湯者非也近顧炎武駁說文毫京兆杜陵亭以爲誤

以湯居毫爲在此不知杜陵自有毫王而湯居毫之字墨

子荀子等本作薄字然則識之不可不廣也故附論之

○漢武帝龍淵故廟

沅案水經注云故渠北故坂北即龍淵廟元和郡縣志作龍泉避高祖諱

在縣東北一十七里○龍淵廟在縣東北二十四里武帝

廟

沅案疑有號字

也○漢武帝茂陵在縣東北十七里武帝建元

二年置茂陵邑後元二年葬

師古曰本槐里之縣茂鄉故曰茂陵臣瓚曰茂陵在長安

西北八里

元帝初元三年四月乙未孝武園白鶴館災園中

五里馳逐走馬之館

師古曰五里者言其周五里

不當在山陵昭穆之

地

關中記曰漢諸陵皆高十二丈方一百二十步惟茂陵

戶餘五陵各五千戶陵縣屬太常下隸郡也守陵漑樹

除凡五千人陵令屬官各一人寢廟令一人園長一人門

吏三十三人候四人元帝時三輔七十萬戶始斷不復徙

人陪陵渭陵延陵義陵皆不立銘漢帝諸陵自各立廟或

在城內或在城外或在陵旁又陵下園有寢室有便殿日

祭于寢月祭于廟時祭于便殿寢日四上食廟歲二十五

祠于便殿又用一遊衣時至元帝始正迭毀禘祫之制惟

祖宗之廟世世不毀餘五廟親盡而毀四時祭于廟除諸

寢園不除衣冠之遊其餘五廟親盡而毀至于王莽漢武故事

曰帝見形謂陵令薛平曰吾雖失勢猶為汝君奈何令吏

卒上吾陵上磨刀劍乎自今以後可禁之平頓首謝因不

見推問陵旁果有方石可以為礪吏卒嘗盜磨刀劍霍光

欲斬之張安世曰神道芒昧不宜為法乃止

故阮公詠懷詩曰失勢在須臾帶劍上吾邱 ○李夫人墓

亦名習仙臺崇二十丈周二百六十步在縣東北十六里

三輔黃圖曰李夫人墓東西五十步南北六十步高八丈

茂陵西北一里俗名英陵水經注曰李夫人冢冢形三成
世謂之英陵○霍去病墓在縣東北十九里崇二丈漢書
曰去病爲票騎將軍大司馬冠軍侯元狩六年薨上悼之
發屬國元甲軍陳白長安至茂陵爲冢象祁連山師古曰
在茂陵旁冢上有豎石冢前有石人馬者是

沅案今鄧州志云有霍去

病墓蓋非

○衛青墓在縣東北十五里

沅案元和郡縣志太平寰宇記皆云十九里

崇二丈漢書曰青爲大將軍大司馬長平侯尙平陽主元
封五年薨與主合葬起冢象廬山云師古曰在茂陵東次
去病冢之西相併者是○原氏仟漢書原涉自以先人墳
墓儉約迺大治起冢舍初武帝時京兆尹曹氏葬茂陵民

謂其道爲京兆仟涉慕之買地開道立表曰

沅案漢書表下有署字

南陽仟人不肯從謂之原氏仟

沅案元和郡縣志有漢公孫宏墓在縣東北十八里

太平寰宇記有李延年墓在縣東北一十八里董仲舒墓在縣東北二十里此皆不載

○四馬務在

縣東南二十餘里從東第一曰飛龍務次大馬務次小馬務次羊澤務地凡三百七十一頃南渡渭河慶歷中爲營田尋罷之其後民占佃簿籍亡散不復歸於有司

武功

武功縣

唐畿今次畿東南至府一百四十里

古有郃國堯封后稷之地周平

王東遷以賜秦襄公孝公作四十一縣釐美陽武功各其

一也武功蓋在渭水南郿縣地是

案漢書右扶風有釐有郿有武功今此縣舊文

繫美陽各爲縣而又云縣在郿
縣地疑繫郿美陽皆入武功耳
左傳周景王使桓伯讓於

晉曰我自后稷郿芮岐畢吾西土也杜注云郿在始平武

功縣郿地是也廟記曰武功本名郿後改爲繫城闕駟十

三州志曰繫古文作郿古今字異耳舊縣境有武功山斜

谷水亦曰武功水是則縣本以山水立名也漢屬右扶風

王莽曰新光後漢省永平八年復自渭水南徙武功縣於

故繫城任安以武功小邑無豪易高故居武功晉屬始平

國沅案地形志云晉屬扶風非宋書後魏太和十一年改

爲美陽又置武功郡沅案地形志云太和兼領美陽莫沅案

地形志作漢西二縣屬岐州沅案太平寰宇記云周武後周孝

天和四年義陽還舊理